

Atletski klub Pace Konjic

# KONJIČKI NOĆNI CENER 2021



Konjic,  
03-07-2021

## Opšte informacije

Organizator manifestacije "Konjički noćni cener" je Atletski klub Pace Konjic uz podršku Općine Konjic, kao suorganizatora. Manifestacija će se održati u Konjicu, dana 03.07.2021. godine, a centralni događaj će se održati na platou ispred "Mosta ljubavi" u Konjicu, gdje će biti smješteni start i cilj svih utrka.

Za bezbjednost takmičara brinu se pripadnici MUP HNK - Policijska uprava Konjic, spasioci Gorske službe spašavanja - Postaja Konjic i volonteri angažovani od strane organizatora, uz poštivanje svih epidemioloških mjera. Uz navedeno obezbjeđenje, na manifestaciji su angažovani i medicinski tehničari JU Dom zdravlja Konjic, kojima će pomoć pružiti volonteri Odreda izviđača Neretva Konjic i Crvenog križa Konjic.

Saobraćaj će biti zatvoren za motorna vozila.

Manifestacija se sastoji od:

- Utrka "Konjički noćni cener" - dužina 10 kilometara;
- Štafetna utrka "Ž+M = 5k + 5k" - dužina 2 x 5 kilometara;
- Dječja utrka "Sara & mala raja" - utrka na 600 metara za djecu.

Program manifestacije:

17:00 sati - Otvorenje manifestacije i početak programa;

18:00 sati - Start dječje utrke "SARA & mala raja"

19:00 sati - Proglašenje pobjednika dječje utrke "SARA & mala raja"

19:30 sati - Start utrke "Konjički noćni cener" i štafetne utrke "Ž+M = 5k+5k"

21:00 sati - Proglašenje pobjednika utrke "Konjički noćni cener" i štafetne utrke "Ž+M = 5k+5k"

21:30 sati - Zatvaranje manifestacije

Afterparty – Gradski bazen Konjic (ulica Luka, u blizini Gradskog stadiona)

## Utrka "Konjički noćni cener"

Dužina utrke "Konjički noćni cener" je 10 kilometara, ali ove godine se trči na izmijenjenoj trasi. Podloga je asfaltna sa zatvorenim saobraćajem za motorna vozila (osim hitnih slučajeva). Start i cilj utrke se nalaze na platou ispred "Mosta ljubavi".

Limit učesnika je 400. Mjerenje vremena se vrši čipom, a svi takmičari su dužni da tokom utrke nose isti. Objava rezultata će se izvršiti na web stranici organizatora.

## Štafetna utrka "Ž + M = 5k + 5k"

Štafetna utrka će se održati po prvi put u našoj organizaciji. Štafeta je isključivo mješovita, gdje članovi štafetnog tima trče po 5 kilometara (10 kilometara ukupno). Primopredaja štafete između članova štafetnog tima se vrši na okretnoj stanici koja je locirana na petom kilometru. Vrijeme starta, kao i lokacija Starta i cilja štafetne utrke je zajedno sa utrkom na 10 kilometara, na platou ispred "Mosta ljubavi". Staza je ista kao i za utрку na 10 kilometara. Podloga je asfaltna sa zatvorenim saobraćajem za motorna vozila (osim hitnih slučajeva).

Prvi član štafetnog tima kreće sa učesnicima utrke Konjički noćni cener u 19:30 sati. Okupljanje članova štafetnog tima (drugi član) je u 19:00 sati na platou ispred Stare ćuprije (desna strana Neretve), odakle će u pratnji volontera grupno otići na lokaciju primopredaje štafete (5k). Molimo za tačnost i bez kašnjenja.

Preuzimanje startnih paketa će se vršiti u JU Sportska dvorana Konjic, ulica Musala bb, na dan utrke 03.07.2021. Godine od 10:00 do 19:00 sati. Pri preuzimanju startnih paketa takmičar potpisuje izjavu da trči na svoju odgovornost, dok za maloljetna lica potpis stavlja roditelj ili trener.

### Dječja utrka "SARA & mala raja"

Dječja utrka će se održati prije početka glavne utrke. Start i cilj dječje utrke je na platou ispred "Mosta ljubavi". Podloga je asfaltna sa zatvorenim saobraćajem za motorna vozila (osim hitnih slučajeva). Dužina dječje utrke je 600 metara, a učesnici će biti podijeljeni u kategorije:

- Predškolska djeca u pratnji roditelja i prvo razred osnovne škole (siva),
- Učenici od drugog do trećeg razreda osnovne škole (žuta),
- Učenici od četvrtog do petog razreda osnovne škole (plava),
- Učenici od šestog do sedmog razreda osnovne škole (crvena),
- Učenici od osmog do devetog razreda osnovne škole (zelena).

Za sve učesnike dječje utrke "SARA & mala raja" obezbjeđeni su besplatni startni paketi (startni broj (BIB), finišerska medalja i pokloni sponzora).

Pobjednici u kategorijama, odnosno prva tri mjesta u svim kategorijama u muškoj i ženskoj konkurenciji dobiti će diplome.

Prijave za dječju utrku će se vršiti na dan utrke 03.07.2021. godine na platou ispred Mosta ljubavi u periodu od 10:00 sati do 17:00 sati (odnosno do popunjavanja limita utrke).

Sponzor utrke: SARA Prirodna voda

### Nagradni fond

#### Utrka "Konjički noćni cener"

Pobjednik utrke, kao poklon od sponzora, dobija Samsung smart watch.

Ženska kategorija generalno:

1. mjesto - 300,00 KM,
2. mjesto - 200,00 KM,
3. mjesto - 100,00 KM.

Muška kategorija generalno:

1. mjesto - 300,00 KM,
2. mjesto - 200,00 KM,
3. mjesto - 100,00 KM.

Pobjednici u ženskoj i muškoj kategoriji, pored novčanih nagrada, dobijaju i robne nagrade sponzora.

Najbrži "Konjičanin" i "Konjičanka" dobijaju robne nagrade sponzora.

**Po starosnim kategorijama pobjednici dobijaju diplome:**

- Učesnici do 21 godine (1998. Godište i mlađi);
- Ženska kategorija od 35 do 44 godine (1985 - 1976);
- Ženska kategorija od 45 do 54 godine (1975 - 1966);
- Ženska kategorija + 55 godina (1965 - 1956);
- Ženska kategorija + 65 godina (1955 i starije);
- Muška kategorija od 40 do 49 godine (1980 - 1971);
- Muška kategorija od 50 do 59 godine (1970 - 1961);
- Muška kategorija od 60 do 69 godine (1960 - 1951);
- Muška kategorija + 70 godina (1950 i stariji);

**Štafetna utrka "Ž+M = 5k + 5k"**

Tri najbolje plasirana štafetna tima dobijaju robne nagrade sponzora.

**Osnovna uputstva na dan manifestacije**

Ulazak u startnu zonu je najkasnije do 19:20 sati, uz poštivanje svih epidemioloških mjera koje budu na snazi u trenutku održavanja manifestacije. Nakon preuzimanja startnih paketa, startni broj zajedno sa čipom (BIB) se postavlja na prednjoj strani dresa ili šorca, ali na način da bude vidljiv svim ostalim učesnicima. Svi učesnici su dužni startni broj nositi od starta pa do završetka utrke. U protivnom, nastupiti će diskvalifikacija učesnika. Nije dozvoljeno trčati bez majice ili dresa. Molimo sve učesnike da se pridržavaju pravila organizatora i ponašaju fer i korektno prema ostalim učesnicima i prema organizatoru. U zoni start/cilj nalaziti će se dežurna ekipa medicinskih tehničara JU Dom zdravlja Konjic, zajedno sa volonterima.

Okrepne stanice su postavljene na startu/cilju, na stazi na svakih 2,5 kilometara.

Duž cijele staze angažovani su volonteri, pripadnici MUP HNK - Policijska uprava Konjic i spasioci Gorske službe spašavanja - Postaja Konjic. Isti će se brinuti za sigurnost svih učesnika.

Obzirom da se trči ulicama Konjica, saobraćaj za motorna vozila će biti zatvoren. Duž staze će se nalaziti publika, navijači, podrška, prolaznici, pa se učesnici utrke mole da poštuju navedeno. Staza utrke je polukružna, na pojedinim mjestima takmičari se susreću, tako da se trči isključivo desnom stranom, kako bi se izbjegli eventualni kontakti takmičara. Pored staze vas očekuju razna iznenađenja, kao i volonteri koji će regulisati i voditi računa kako bi sve proteklo u najboljem redu.

Mapa utrke je objavljena na web stranici [www.pace.ba](http://www.pace.ba).

Parking za učesnike utrke će biti obezbjeđen na platou ispred JU Sportska dvorana Konjic, ulica Musala bb.

Za sve učesnike obezbjeđene su svlačionice i tuševi u JU Sportska dvorana Konjic, a otvorene su od 17:00 sati.

### Regulacija saobraćaja

Kako bi se manifestacija održala bez problema, molimo sve sugrađane, posjetitelje Konjica i takmičare da se pridržavaju uputa MUP HNK - PU Konjic koji će regulisati saobraćaj. Pored toga, saobraćaj će biti zatvoren:

- Ulica Trg Državnosti i ulica Maršala Tita (od mosta Luka do Stare ćuprije) u periodu od 12:00 do 23:00 sati,
- Ulica Donje Polje (od Stare Ćuprije do mosta Orašje) u periodu od 19:30 do 20:00 sati,
- Ulica Zuke Džumhura i Stara Čaršija (od mosta Orašje do Stare ćuprije) od 19:30 do 21:00 sati,
- Most Stara Ćuprija - potpuna obustava od 50 minuta (prilikom prolaska takmičara),
- Most Stara Ćuprija - potpuna obustava od 50 minuta (prilikom održavanja vatrometa)
- Most Luka, ulice Luka i Donje Selo od 19:30 do 21:00 sati,
- Dio regionalnog puta R-435 na relaciji Stara Čaršija (od Stare ćuprije) - Zuke Džumhura - Tuščica - Trbića polje (most Bijela) u periodu od 19:30 do 20:30 sati,
- Dio regionalnog puta R-418b na relaciji Gradski stadion Igman - Pravoslavna crkva Donje Selo u periodu od 19:30 do 21:00 sati.

Za sve informacije ekipa Atletskog kluba PACE Konjic stoji na raspolaganju, a kontakt je moguć putem maila [info@pace.ba](mailto:info@pace.ba) kao i kontakt telefona 062 41 71 72 i 063 46 99 76.

Svim našim učesnicima želimo ugodan boravak u Konjicu, a potruditi ćemo se da napravimo što bolju atmosferu!

***DOBRODOŠLI U KONJIC!***

**ČEKAMO VAS NA STARTU  
03.07.2021. GODINE**